

Organismo Público Local Electoral tlen Veracruz tlalli¹, mochikawa itech tlatlamantli tlanawatiltin tlen ewa itech Weyi Tlanawatilli tlen Mexikotlalnanti iwan ok sekimeh tlen itech powih:

KINYOLEWA

Altepetlakayotl tlen Veracruz tlalli tla mixewis motekitiskah itech tlakapehpenalistli ipampa tekimaktistli itech Consejos Distritales ipan Proceso Electoral Local Ordinario 2023-2024, tlen ika moyankuiliskah tlayekankah itech Poderes Ejecutivo iwan Legislativo itech Chalchihuehkan tlalli; kampa momachiotiskah iwan kintexpaniskah iamawan kemin machiohyok itech inin:

TLAHTLAPALEWILLI

Kualtis motekitiskah nochtin tlakameh iwan siwameh tlen itech powih tlen monotzah derechos civiles iwan políticos, tlen chanchiwah itech Distrito Electoral Local kanin powih iwan tla kipiah nochi tlen machiohtok itech inin Tlanotzalli

TLEN MONEHNEKI

- I. Ma yeto mexikoewani iwan itech ma powi motekitis itech tekiwapehpenalistli.
- II. Inon tonalli ihkuak tekitemaktiskah yi ma kipia sempowalli iwan eyi xiwitl;
- III. Ma kimati amoxpowas iwan tlakhuilos;
- IV. Ma chanti itech altepepan kanin mochiwas Consejo Distrital, kualtis kintlapopolwiskah san kenin kihtowa itech Tlanawatilkotontli 40, tlahotl 3 tlen Reglamento;
- V. Machiohtos itech Registro Federal de Electores iwan ma kipia credencial de elector tlen ok kualtis kinehnekis.
- VI. Ma kiwika panotika makuilli xiwitl, achtopan kitekimaktiskah, amo omotekitih nion motekitihok kemin altepetekiwah;
- VII. Ma kiwika makuilli xiwitl, achtopan kitekimaktiskah, amo kiyekana nion okiyakanak itlah tekittl itech tekiwapehpenolocholmanalistli itech Mexikotlalnanti, Chalchihuehkan tlalli noso itech altepetl.
- VIII. Ma kiwika eyi xiwitl, achtopan tekimaktiskah, amo okipehpenkeh kampa oyetoskia altepetekiwa;
- IX. Ma kiwika eyi xiwitl, achtopan tekimaktiskah, amo tepankisani itech tlakapehpenalistli noso sepantlakapehpenalistli imixpan consejos electorales;
- X. Amo okikotonilikhkeh tlen itech powi kemin altepechaneh iwan kemin machiohtok itech tlanawatilkotontli 38 itech Weyi Tlanawatilli itech Mexikotlalnanti.
- XI. Amo ma kiyakana se neltokalisolocholmanalistli, tla kema kiyakanas moneki ma kikitona itekiw san kenin tlanawatia Weyi Tlanawatilli itech Mexikotlalnanti iwan tlanawatiltin tlen itech ewah;
- XII. Amo ma tekpanohtika itech poderes Ejecutivo noso Judicial itech Mexikotlalnanti noso itech se tlanankotonalli, noso itech se altepetlanawatihkapan, kanin kualtis kimanawis tomin, tlatlamantli noso tepalewilistli;
- XIII. Amo ma neskeyotok amo kanah kualtis yetos tekiwatlakewalli, itech Mexikotlalnanti, Chalchihuehkan tlalli noso itech altepetl.
- XIV. Tla kitekimaktiskah itech Presidencia, Secretaría, Vocalía de Capacitación Electoral iwan/noso Vocalía de Organización Electoral, melahkayopan kiixnextis, amo kanah ok sekan tekpanohtok, amo tlahowani nion ixkoyankan; san yen amo ihkoni kitlahlaniliah tla se siwatl noso tlakatl yetos tlayehyekoleh itech tlakapehpenalistli.

Kualtis motekitiskah tlakameh noso siwameh tlen yeke kahxitiskah 23 xiwitl, san yen ihkuak kitekimaktiskah moneki yi okaxitihkeh inon xiwitl.

Kampa se tlakatl noso siwatl tekiseli kemin Consejero Presidente, Secretario noso Vocal, okachi kinnotzaskeh akinmeh kipiaskah iamawteixpanitl ipampa licenciatura noso se machitistli tlen monotzah carrera técnica.

KEMANIAN MOCHIOWAS

1. Tlamachiotiskah itech makatzawalli: Akinmeh mixewiskah tekiseli moneki momachiotiskah itech SIAODES² itech: <http://oplever.org.mx/consejosdistritales2024>, pewas ipan **10 tonalli, tlamis ipan 27 tonalli, noviembre metztl, 2023 xiwitl**. Tla itlah tlahlanilistli yetos ipampa kenin mochiwas machiotistli, xitlahlaniliah itech tlanotzulpowalneskayotl 228 318 27 51 iwan 228 318 27 55; correo electrónico registro.odes@gmail.com; noso anmoniwian xiyakan kanin **kahki OPLE Veracruz** iwan/noso itech oficinas tlen altepepan kateh, kanin tlatlapotos ipan ahsitok semana, pewas ipan **09:00 kawitl iwan tlatzakuaskeh 15:00 kawitl, ok sehpan pewas 18:00 kawitl iwan tlatzakuaskeh 20:00 kawitl**, san yen ipan **27 tonalli, noviembre metztl, 2023 xiwitl tlatzakuaskeh ipan 23:59 kawitl**.

Akinmen motekitiskah, ihkuak tlakhuiloskeh itech Tlahxitilli 1. Tlen inemilistlahkuilol, ma kihtokan kox powi itech se iknolocholli, san inon kahxiliskah kampa ihkoni kiwelmatiskah ompa powi, inon kemin kihtowa inin Tlanotzalli.

2. Neskeyotistli: Amo ma kipanowikan ipan **30 tonalli, noviembre metztl, 2023 xiwitl**, OPLE Veracruz kiteixpaniskah kanin mosentliah, noihi itech mekatzawalli <http://oplever.org.mx>, inon tlamachiotilli kanin sehse **tlakatl noso siwatl tlen kitlatomachiwiliskah iixtlamachilis** kipiase se neskeyopowalli, noihi kanin, hemanian iwan tlen kawitl.

3. Tlatomachiwalistli: Akinmeh yi omomachiotihkeh iwan okaxitihkeh nochi tlen okintlahlanilikhkeh, kinnotzaskeh itech mekatzawalli <http://oplever.org.mx>, kampa kintomachiwiliskah imixtlamachilis, yetos san se tlatomachiwalistli ihkuilok, maski tlatlamantli tekittl, ipan **2 tonalli, diciembre metztl, 2023 xiwitl ipan 10:00 kawitl, imixkoyan** yaskeh san kanin kihtoskeh. Akinmeh tekittlahlaniliah iwan okachi kualli tlanankiliskah noso akinmeh kikixtiskah 70%, ok sehpan kinnotzaskeh. Kiteixpaniskah kenin omokahkeh ipan **5 tonalli, diciembre metztl, 2023 xiwitl**, amo ma panoh inon tonalli.

4. Amateixpaniskah tlen kintlahlaniliah: Akinmeh panoskeh itech ok se tlahpehpenalistli, moneki kintemowiskah amameh tlen nikan tlan moihtowah, tlakhuiloskeh tlen monehnekis, kinneskayotiskah iwan kintlehkoltiskah itech SIAODES, kinseliskah **ihkuak kiteixpaniskah kenin omokahkeh itech tlatomachiwalistli iwan tamis ipan 9 tonalli, diciembre metztl, 2023 xiwitl**:

- a) Amaixnextilistli.
- b) Ixkopinalamateixpanitl tlen kualtis kinehnekis (iixko iwan ikuitlapan) noso se amatl tlen kitemakas INE kanin kihtos yeke kiselis.
- c) Amatl tlen ika Kiwalnextos Chanchiwa Distrito tlen ipan powih, amo ma pano eyi metztl okimaktihkeh.
- d) Amateixpanitl ipampa tlen tlamachtistli okaxihli; kualtis yetos iixkopinal titulo noso cédula profesional.
- e) Amaixnextilistli, kikaxitiliskah iamawan tlen kiteixpaniskah tlen iwan kanin omomachtih, tlatlamantli tlen itech omotekitih, tla itlah otlahkuiloh kanin okiteixpanitl, tla omotekitih itech sepantlapalewilistli iwan tleka okichih, no ihki kimahxitiskah amameh tlen kinextiskah kenin motekitia itech tlakapehpenalistli; nochi inon kitemakas ihkuak iwan motlapowiskah. **(AHXITILISTLI 1)**;
- f) Melahkayopan kiixnextis, amo kanah otelahyowiltih nion okiseli tlahlakolihyowiltistli, tla kema otelahyowiltih san yen ma yeto amo okinekia kichiwas. **(AHXITILISTLI 2)**;
- g) Pilamaixnextilistli, AMO MA KIWIKA IXKOPINKANEXTILIS TLEN IMIXKOYAN **(AHXITILISTLI 3)**;
- h) Teixkomakalistli kanin melahkayopan kiixnextis, **(AHXITILISTLI 4)** kanin kihtos:

- I. Moneki kiwikas eyi xiwitl noso okachi, amo kanah okimachiotihkeh kampa oyetoskia altepetekiwa;
- II. Ma kiwika panotika makuilli xiwitl amo omotekitih nion motekitihok kemin altepetekiwah;
- III. Ma kiwika eyi xiwitl amo tepankisani itech tlakapehpenalistli noso sepantlakapehpenalistli itech consejos electorales;
- IV. Ma kiwika makuilli xiwitl amo tepankisani itech tlakapehpenalistli itech tlanantli, tlanankotontli noso altepetl.

- I. Amo okikotonilikhkeh tlen itech powi kemin altepechaneh iwan kemin machiohtok itech tlanawatilkotontli 38 itech Weyi Tlanawatilli itech Mexikotlalnanti.
- II. Amo ma neskeyotok amo kanah kualtis yetos tekiwatlakewalli, itech tlanantli, tlanankotontli noso altepetl;
- III. Amo ma kiyakana se neltokalisolocholmanalistli, tla kema kiyakanas moneki ma kikitona itekiw san kenin tlanawatia Weyi Tlanawatilli itech Mexikotlalnanti iwan tlanawatiltin tlen itech ewah;
- IV. Amo ma tekpanohtika itech poderes Ejecutivo noso Judicial itech Mexikotlalnanti noso itech se tlanankotonalli, noso itech se altepetlanawatihkapan, kanin kualtis tlanawis tomin, tlatlamantli noso tepalewilistli iwan

- i) Se amatlahkuilolli amo ma kipanowih ome iswatl, kualtis tepostlahkuilos noso matlahkuilos, kanin akin tekiseli neki kihtos tleka tekpanosneki;
- j) Nochtin iamawan tlen kiwalnextis imachtis iwan ok seki amameh tlen kiteixpanitl kualli kimati tekichiwas san tlen ipan okiseli neki, kintemakas achto pewas iwan motlapowiskah. (itech se archivo PDF tlen amo kipanowis 3MB); iwan
- k) Akin tekiseli neki ma kitemaka se iixkopinkayo tzikitzin, ma yeto tlapalli istak iwan tliwikitl noso tlatlamantli tlapalli.

Ipan **14 tonalli diciembre metztl 2023 xiwitl**, Comisión **kihtos akinmeh tlen tekittlahlaniliah** yompa kahxiliah nochi tlen monehneki iwan panoskeh itech ok se tlahpehpenalistli, no ihki kenin mochiwas, kemandian iwan tlen kawitl kinyekittaskeh iamawan iwan motlahlapowiskah, iwan tlanawatis kampa inon tlamachiotilli kanin kateh tlen tekittlahlaniliah ma kiteixpanitl itech imekatzawal OPLE Veracruz, <http://oplever.org.mx>.

5. Mowelittas iamaixnextiliskah iwan kitlahlaniskah: Itech inin Tlanotzalli, ihkuak mowelittas iamaixnextiliskah iwan kitlahlaniskah, inon tlatzintokalistli nochi mochiwas san itech se tonalli; kanin mowikas, kenemin, tlen kawitl iwan tlen tonalli, kitlahlaniskah iwan kiteixpaniskah itech mekatzawalli tlen monotzah portal web tlen OPLE Veracruz ika ipalewlis **SIAODES**, san kenin tlanawatis Consejo General. Ik inon moteixpanitl ohkan kanin mosentlialiskah (sekan tlakameh ok sekan siwameh) impampa tekittl tlen monehneki itech sehse distrito electoral:

- I. Ipampa **Presidencia tlen Consejo** momachiotiskah **6 tekittlahlankeh**, sehsekan **3 siwameh iwan 3 tlakameh**;
- II. Ipampa **Secretaría** momachiotiskah **6 tekittlahlankeh**, sehsekan **3 siwameh iwan 3 tlakameh**;
- III. Ipampa **Vocalías tlen Capacitación iwan Organización Electoral** momachiotiskah **12 tekittlahlankeh**, sehsekan **6 siwameh iwan 6 tlakameh** itech sehsekan vocalia; iwan,
- IV. Ipampa **Consejerías Electorales** momachiotiskah **24 tekittlahlankeh**, sehsekan **12 siwameh iwan 12 tlakameh**.

Tla amo mottas akin tlatlanis, nochtin tlen machiohtok itech sentlalistli panoskeh itech ok se tlahpehpenalistli.

Tla ihkuak mowelittas iamaixnextiliskah iwan tetlahlaniskah tla ahsitiweh akinmeh kihtowah powih itech se iknolocholli, (kemin kihtowa Tlahxitilli), moneki kualli kittaskeh maski san se, ininkeh tlakameh noso siwameh, ma kalakikan itech consejo kanin powih.

6. Tekimaktistli: Inon tlakhuilolli kanin moihtos akinmeh otekiseli neki itech Consejos Distritales, no ihki akinmeh yetoskeh tlen monotzah suplentes kinseliskah amo ma panoh **10 tonalli, enero metztl, 2024 xiwitl**, monehneki kipiaskah 5 votos noso panotika, iwan kemin tlanawatia Acuerdo tlen Consejo General, itech tlanawatilkotontli 43, powalneskayotl 2 tlen Reglamento. Inon Acuerdo moteixpanitl itech Gaceta Oficial tlen Veracruz tlalli, itech mekatzawalli <http://oplever.org.mx> iwan itech OPLE Veracruz.

Akinmeh tlayakanaskeh itech Consejos Distritales moneki teixpaniskeliskah, kemin tlanawatia Tlanawatilkotontli 45, powalneskayotl 2 tlen Reglamento, imixpan Consejo General tlen OPLE Veracruz noso, san kenin tlanawatis Consejo General.

Tlen monotzah consejerías electorales, secretarías iwan vocalias tlen okipehpenkeh, teixpaniskeliskah kanin mosentlialiskah Consejo Distrital tlen itech powi, kemin kihtowa, tlanawatilkotontli 45, powalneskayotl 1 tlen Reglamento, no ihki kemin Tlanawatilkotontli 11, powalneskayotl 3 tlen Reglamento de sesiones de los Consejos Distritales iwan tlen Municipales itech Organismo Público Local Electoral tlen Veracruz tlalli.

7. Itekipewalis Consejos Distritales: Consejos distritales tlen OPLE Veracruz tekipewaliskah amo ma panoh **15 tonalli, enero metztl, 2024 xiwitl**.

TLAXTLAWILLI

Akinmeh kintekimaktiskah itech Presidencia, Secretaría iwan Vocalias itech Consejo, ihkuak tekiseli neki kipiaskah **10 tonalli** kampa melahkayopan kiixnextiskah, amo kanah ok sekan tekpanohtokah kanin tominseliah, san yen amo kintlahlaniliskah inon ma tlahnextikan inon tlahotli akinmeh temachtihkeh, ixtlamatlatzintokanil, ixtlamatekipankayohkeh, tlatzintokanilh noso kemin tepalewiani: amo tominselianil.

Ipampa tlaistlakolistli, akinmeh kintekimaktiskah ipampa inin Tlanotzalli **moneki kipiaskah iamaw tlen monotzah constancia de situación fiscal actualizada**.

OPLE Veracruz san tlen ipan wehkawas tle ipan motekitiskah, kampa sehse metztl tetlaxtlawis tlen machiohtok kanin kihtowa kechich kiselis ipan se metztl:

Tlen ipan motekitis	Kechkich kitanis ipan se metztl	Kechkich kiselis ipan se metztl
a) Presidencia del Consejo	\$34,311.18	\$28,583.90
b) Secretaría	\$30,099.88	\$25,338.54
c) Vocalía de Organización Electoral	\$25,888.60	\$22,026.79
d) Vocalía de Capacitación Electoral	\$25,888.60	\$22,026.79
e) Consejería Electoral	\$12,137.92	\$11,082.71

**Inin tlatxlawilli kualtis mopatlas, san kenin kahxiliskah tomin.

Akin tekpanos kemin funcionariado electoral iwan consejerías electorales tominselis kemin nikan machiohtok, inon monotzah **Honorarios Asimilados**.

TLEN AMO MACHIOHTOK

Ihkuak moneki tlatlamantli tlen kichiwaskeh kampa kipatlaskeh tonalli kemandian mochiwas, no ihki tla amo kahxiliskah tlen machiohtok, yeh Consejo General kichiwas tlen monehnekis kampa kualli ma mosentlialiskah Consejo Distrital, san yen achto yen Comisión kihtos akin kualtis ompa kalakis, san kenin moihtowa iten Tlanawatilkotontli 39, powalneskayotl 3 tlen Reglamento.

TLAHPIXKAYOTL IWAN KANIN TLASELISKEH TLAMACHITILISTLI

Inon tlen monotzah aviso de privacidad kualtis mottas itech mekatzawalli: <https://www.oplever.org.mx/sitiotransparencia/datospersonales/ap/deoe/aspirantes.pdf>


MARISOL ALICIA DELGADILLO MORALES
PRESIDENTA DEL CONSEJO GENERAL


LUIS FERNANDO REYES ROCHA
SECRETARIO DEL CONSEJO GENERAL



Xikitta tlanotzalli ahsitok itech inin mekatzawalli:

Náhuatl del Centro

¹ Monotzas, OPLE Veracruz.

² Sistema Integral de Aspirantes a los Órganos Desconcentrados.